

**ՔՐԻՍՏՈՍԸ ԿՐԱԿԻՐԵԼ ՄԵՐ ԿԵԱՆՔԵՐՈՒՆ ՄԷՋ**

Որպեսզի կարենանք փրկուիլ, անհրաժեշտ է Քրիստոսը հրաւիրել մեր կեանքերում մէջ ո՛չ միայն իբրև Փրկիչ, այլև՝ իբրև Տէր: Շատեր գայն կ'ընդունին իբրև Փրկիչ, բայց անոր հետ չեն վերաբերիր իբրև Տիրոջ: Քրիստոս Փրկիչ է այո՛, բայց միաժամանակ Տէր է: Ան Փրկիչ է, որովհետև մեզ փրկեց յաւիտենական դատապարտութենէն եւ Տէր է, որովհետև մեզ ազատեց Սատանային տիրապետութենէն, որպէսզի ի՛նք ըլլայ մեր Տէրն ու մեր վրայ տիրապետողը: Երբ մէկ կողմէն կ'ընդունինք իր Փրկիչ ըլլալը, բայց միւս կողմէն մեր կեանքին վերաբերեալ բոլոր որոշումները մենք կ'առնենք այդ կը նշանակէ, թէ Յիսուսի կամքն ու խօսքը չեն, որ կը տիրեն մեր կեանքերուն մէջ, այլ՝ մեր կամքն ու խօսքը:

**ՄԵԿ ՏԱՐՈՒՄԱՆ ԸՆԹԱՅԵՆ ԿԱՐԴԱՆՔ ԱՄՔՈՂՁ ԱՍՏՈՒԾԱՇՈՒՆՉԸ**

**ՓԵՏՐՈՒԱՐ 2020**

	Ղեւտացոյց	Մատթէոս
	19.20	27.51-66
17	Ղեւտացոյց	Մատթէոս
	21.22	28
18	Ղեւտացոյց	Մարկոս
	23.24	1.1-20
19	Ղեւտացոյց	Մարկոս
	25	1.21-45
20	Ղեւտացոյց	Մարկոս
	26,27	2
21	Թուոյց 1,2	Մարկոս 3.1-19

**ՀԱՍՅԷ.**

ՃՐԱԳ ՇԱՔԱԾԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300- [facebook-ի էջ jerak ճրագ քերթ](#)

**ՀԱՐՅՈՒՄ**

**Ի՞նչ է Տեառնընդառաջը:**

Քառասորեայ Յիսուսի տաճար տանելու օրուան յիշատակն է: Մովսէսի օրէնքին համաձայն Յովսէփ եւ Մարիամ քառասորեայ Յիսուսին տաճար տարին՝ Տիրոջ առջեւ հանելու (Տեառն ընդ առաջ): Հրեաներու մօտ, սովորութիւն էր, որ արու ունեցող մայրերը նախ եօթը օր սպասէին իրեն անմաքուր, ութերորդ օրը թւփատէին տղուն, երեսուներկու օր եւս սպասէին: Այնուհետեւ յաջորդ քառասուներորդ օրը, արու զաւակին պիտի տանէին տաճար՝ Տիրոջ առջեւ ընծայելու համար:

Տեառնընդառաջը կը զուգահեռապի Փետրուար ամսուան 14-ին (Յունուար 6+40 օր) եւ անշարժ է: Որպէս Տէրունական տօն՝ 13 Փետրուարի երեկոյեան կը կատարուի նախատօնակ, մոմեր վառելով եկեղեցւոյ սեղանի մոմէն, հաւատացեալները զանոնք կը տանին տուն:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:



ԶՈՒ ԽՕՍԲԵՂ ԽՍ ՂՏԵՐՈՒՄՍ ԵՐԱԳ Է ՈՒ ԽՍ ԸԱԽԻՂՆԵՐՈՒՄ ԼՈՅՍ (ՍՂ.119-105)

ԺԳ. ՏԱՐԻ ԿՐԱԿԻ, 16 ՓԵՏՐՈՒԱՐ 2020 ԹԻՒ 7

ԿԻՐԱԿԻ ՕՐԵՐՈՒ ԱՍՏՈՒԾԱՇՈՒՆՉԱԿԱՆ ԸՆԹԵՐՅՈՒՄՆԵՐ ԵՄԱՅԻ 63.18-64.12: Տիտ 1.1-11: ՅԻՍՈՒՍ ՔՐԻՍՏՈՍԻ ԱԽԵՏԱՐԱՆԸ ԸՍՏ ՅՈՎՀԱՆՆԵՈՒ 7.37-52

**ՅԻՍՈՒՍ ՔՐԻՍՏՈՍԻ ԱԽԵՏԱՐԱՆԸ ԸՍՏ ՅՈՎՀԱՆՆԵՍԻ 7.37-52**

Տօնին վերջին եւ հանդիսաւոր օրը, Յիսուս ոտքի կանգնած՝ բարձրաձայն կ'ըսէր. Ով որ ծարաւ է՝ թող ինձի գայ եւ խմէ: Ով որ ինձի կը հաւատայ, ինչպէս Սուրբ գիրքը կ'ըսէ. «Անոր սիրտէն կենսատու ջուրի գետեր պիտի բխին»:

Յիսուս ասկա կ'ըսէր Հոգիին համար, որ իրեն հաւատացողները պիտի ընդունեն. իսկ Հոգին տակաւին չէր տրուած, քանի Յիսուս փառաւորուած չէր:

Ժողովուրդէն ոմանք երբ լսեցին այս խօսքերը, ըսին. Ասկա է նշմարիտ մարգարէն:

Ուրիշներ կ'ըսէին. Քրիստոսն է:

Իսկ ոմանք ալ կ'ըսէին. Միթէ Գալիլեայէ՞ն պիտի գայ Քրիստոսը: Սուրբ գիրքը չ'ըսեր, թէ Քրիստոս Դաւիթ թագաւորի սերունդէն պիտի ըլլայ եւ Դաւիթի քաղաքին՝ Բեթլեհեմի մէջ պիտի ծնի:

Եւ Յիսուսի պատճառով տարակարծութիւններ յառաջ եկան ժողովուրդին մէջ: Ոմանք ուզեցին ձերբակալել զինք, բայց ոչ ոք համարակեցաւ ձեռք գարնել:

Երբ տաճարին պահակները վերադարձան, աւագ քահանաներն ու Փարիսեցիները հարցուցին անոնց. Ինչո՞ւ զինք հոս չբերիք:

Պահակները պատասխանեցին. Այս մարդուն պէս խօսող երբեք չենք տեսած:

Փարիսեցիները ըսին. Ի՞նչ, դո՞ւք ալ խաբուեցաք: Իշխանաւորներէն կամ Փարիսեցիներէն ոեւէ մէկը հաւատա՞ց անոր: Մեր Օրէնքը չգիտցող տգետ ամբօր միայն հաւատաց: Անոնք արդէն իսկ նզովուած են:

Նիկողոսեմոս, Փարիսեցիներէն մէկը, որ նախապէս գիշերով եկած էր Յիսուսի մօտ, ըսաւ անոնց. Արդեօք մեր Օրէնքը մարդս կը դատէ՞ նախքան զինք լսելու եւ գիտնալը թէ ի՛նչ ըրած է:

Անոնք պատասխանեցին Նիկողոսեմոսի. Միթէ դո՞ւք ալ Գալիլեայէն ես: Բննէ՛ Սուրբ գիրքերը եւ պիտի տեսնես, թէ Գալիլեայէն մարգարէ չ'ըլլեր:

Ապա ամէն մարդ իր տունը դարձաւ:

**ԵՍԱՅԻ ՄԱՐԳԱՐԵՆ ԳԻՐՔԵՆ**  
**63.18- - 64.12**

Չըլլայ, որ ընդմիշտ կորսնցնենք Սիոնը, քանի որ սուրբ լեռը, որովհետև ահա մեր թշնամիները առժամաբար տիրեցին մեզի, ոտնակոխ ըրին քու սրբարանդ, ու մենք եղանք առաջուան նման, երբ տակալին մեր Տէրը չէիր դուն, երբ դեռ քու անունդ չէինք կրեր:

Եթէ երկինքը պատռէիր եւ երկիր իջնէիր, լեռները քու դիմացդ պիտի դողային ու հալէին մումի պէս, ինչպէս կրակը կ'այրէ անտառները եւ կը շոգիացնէ ծովերը: Հակառակորդներդ պիտի քանջնային քու անունդ եւ հեթանոսներ պիտի դողային քու դիմացդ, ճիշդ ինչպէս քանիցս իջար եւ անսպասելի հրաշագործութիւններդ լեռները սասանեցան:

Որեւէ ականջ երբեք լսած չէ, որեւէ աչք տեսած չէ Աստուած մը, բացի քեզմէ, որ իրեն յուսացողներուն ողորմի այնպիսի գործերով՝ որ դուն ըրիր: Դուն օգնութեան կը հասնիս բոլոր անոնց որոնք ուրախութեամբ արդարութիւն կը գործեն եւ քու նամբաներդ կը քալեն: Բայց մեզի դէմ բարկացած ես հիմա, որովհետև մեզ գործեցինք եւ մոլորեցանք:

Մեղքով վարակուած եւ պղծուած ենք բոլորս ալ: Մեր արդար սեպած գործերն իսկ գարշելի են քեզի համար: Մեր անօրէնութիւններուն պատճառով չոր տերեւներու պէս կը թափփինք եւ հովերը կը քշեն մեզ: Ա՛յ աղօթող չկայ քեզի: Չկայ մէկը, որ սքափելով քեզի ապաւինի: Երես դարձուցիր մեզմէ եւ մեր մեղքերուն պատճառով մեզ նեղութեան մատնեցիր:



**ՊՕՂՈՍ ԱՌԱՔԵԱԼԻ ՆԱՄԱԿ**  
**ՏԻՏՈՍԻՆ 1.1-11**

*Ես, Պողոս, Աստուծոյ ծառան եւ Յիսուս Քրիստոսի առաքեալը, կոչուած եմ Աստուծոյ ընտրեալները բերելու հաւատքի եւ ճշմարտութեան ճանաչումին, այն ճշմարտութեան՝ որ աստուածաշտութեամբ կը գտնուի, որպէսզի յաւիտենական կեանքի յոյսը ունենան: Յաւիտենական ժամանակներէն իսկ առաջ, անստան Աստուած ինք խոստացաւ այդ կեանքը, իսկ հիմա յարմար ժամանակը հասած համարելով՝ այդ խոստումը յայտնեց իր Աւետարանով, որուն քարոզութեան կոչուեցայ մեր փրկիչ Աստուծոյն հրամանով:*

*Ո՛վ Տիտոս, մեր հասարակաց հաւատքի ճամբով իմ հարագատ որդիս, թող Հայրն Աստուած եւ մեր փրկիչը Քրիստոս Յիսուս շնորհք եւ խաղաղութիւն պարգեւեն քեզի:*

*Քեզ կրեա՛ց թողուցի, որպէսզի եկեղեցիին պէտքերը հոգաս եւ զայն կազմակերպես՝ իւրաքանչիւր քաղաքի մէջ երէցներ կարգելով, ինչպէս որ քեզի պատուիրեցի: Երիցութեան թեկնածուն պէտք է անմեղադրելի ըլլայ, մէկ կնոջ այր ըլլայ եւ հաւատացեալ զաւակներ ունենայ, որոնք անառակութեամբ եւ անհնազանդութեամբ ամբաստանուած չըլլան: Արդարեւ, եպիսկոպոսը՝ որպէս Աստուծոյ տնտեսը՝ պէտք է անմեղադրելի ըլլայ:*

ՇԱՐՈՒՆԱԿԵԼ ԱՍՏՈՒԱԾԱՇՈՒՆՉԷՆ

**ՍՈՒՐԲԵՐ ԵՒ ՏՕՆԵՐ**

**Ս. ՍԱՀԱԿ ՊԱՐԹԵՒ ՀԱՅՐԱՊԵՏ**

Ս. Սահակ Պարթեւ Ս. Գրիգոր Լուսաւորիչի տոհմէն, Մեծն Ներսէս Կաթողիկոսի որդին էր: Անոր ապրած կեանքի, վարած հայանպաստ քաղաքականութեան մասին մանրամասն տեղեկութիւններ կը հաղորդէ հինգերորդ դարու պատմիչ՝ Ղազար Փարպեցին իր «Հայոց պատմութիւն» աշխատութեան մէջ:

Սահակ Պարթեւ Հայրապետ ծնած է Կեսարիա, 384 թուականին: Սուրբը կը ստանայ յունական կրթութիւն եւ կը դառնայ հմուտ ժամանակակից երաժշտական ու հռետորական արուեստին եւ փիլիսոփայութեան: Ս. Սահակ կ'ապրի իր հօր հոգածութեան ներքեւ: Թէեւ քաջ զիտակ էր յունարէն, ասորերէն եւ պարսկերէն գրականութեան, բայց արեւի խելամուտ էր Սուրբ Գրքի ընթերցանութեան: Կը սիրէր աղօթել եւ լեցուն էր Աստուծոյ Հոգիով ու շնորհներով: Չափահաս դառնալէն ետք շրջապատը կը ստիպէ, որ Ս. Սահակ Պարթեւ մնայ աշխարհական, որպէսզի շարունակուի Լուսաւորիչի տոհմը: Ան յաճախ Աստուծմէ կը խնդրէ, որ իրեն արու գաւակ մը պարգեւէ: Սակայն կը ծնի Սահականուշը:

Վաղարշապատ մայրաքաղաքի մայր եկեղեցոյ մէջ Աւագ Հինգշաբթի օր, պատարագի ընթացքին, Ս. Սահակ, որպէս սարկաւազ պէտք է սպասաւորէր:

Պատարագի աւարտին, երբ ան նստած էր Ս. Մեղանին մօտ, վրան թմբուքին մը կու գայ: Աստուծոյ հրեշտակը լուսաւոր մարդու կերպարանքով կ'երեւի եւ կը յայտնուի, որ պիտի դադրի Լուսաւորիչի տան քահանայապետութիւնը, իսկ Արշակունեաց թագաւորութիւնն ալ պիտի խափանուի:

Ս. Սահակ կը նուիրուի քահանայապետական կարգին եւ միաժամանակ կը հոգայ եկեղեցոյ պէտքերը: Իր Սահականուշ դուստրն ալ կնութեան կու տայ Համազասպ Մամիկոնեանին:

387-ին, կը ձեռնադրուի կաթողիկոս:

Հակառակ տիրող քաղաքական անբարենպաստ պայմաններու, հայոց Վռամշապուհ թագաւորի եւ Ս. Սահակ կաթողիկոսի համատեղ ջանքերով երկիրը կ'ապրի խաղաղութեան մէջ ու կը բարգաւաճի: Վռամշապուհ բարեպաշտ թագաւորի օգնութեամբ ձեռնամուխ կ'ըլլայ բազմաթիւ վանքեր ու եկեղեցիներ կառուցելու եւ միաժամանակ կը նորոգէ Ս. Հռիփսիմեանց վկայարանը: Որոշ ժամանակ ետք միաբանելով Ս. Մեսրոպի հետ, կը զբաղի հայոց նշանագիրեր գտնելու սուրբ գործով: Իր աշակերտները կ'ուղարկէ զանազան քաղաքներ, որպէսզի գտնեն բազմաթիւ օգտակար գիրքեր, հայերէնի թարգմանեն եւ գործածեն հայոց դպրութեան մէջ: 417-ին Ս. Սահակ կը դիմէ Կայսեր եւ Պոլսոյ պատրիարքին, իր թոռան՝ Վարդան Մամիկոնեանի հայոց սպարապետ ճանչնալու խնդրանքով: Կայսրն ու Պատրիարքը յարգելով Հայրապետը կ'ընդառաջեն անոր խնդրանքին: